

JAMHURI YA MUUNGANO WA TANZANIA

WIZARA YA MADINI

TUME YA MADINI



TAARIFA KWA UMMA

Tume ya Madini iliundwa kwa mujibu wa kifungu cha 21 cha Sheria ya Marekebisho Anuwai ya Sheria ya Madini Na. 7 ya Mwaka 2017. Mnamo tarehe 17 Aprili, 2018, Mhe. Rais wa Jamhuri ya Muungano wa Tanzania, Dr. John Pombe Joseph Magufuli, kulingana na Sheria tajwa, aliteua Mwenyekiti na Makamishna wa Tume ya Madini. Ili kutekeleza majukumu yake, Tume ilifanya kikao chake cha kwanza tarehe 30 Aprili, 2018 Jijini Dodoma. Pamoja na mambo mengine, Tume iliazimia mambo yafuatayo:

- i. Ofisi za Makao Makuu ya Tume ya Madini zitakuwa Jijini Dodoma katika Ofisi za Wizara ya Madini;
- ii. Kuimarisha usimamizi wa Sheria ya Madini ya Mwaka 2010 na marekebisho yake ya Mwaka 2017 kwa lengo la kuhakikisha kuwa Serikali inamiliki hisa zisizopungua asilimia 16 ya mtaji wa Kampuni zinazomiliki migodi ya kati (MLs) na mikubwa (SMLs), Wazawa wanashirikishwa ipasavyo katika Miradi ya Madini na kunufaisha jamii katika maeneo ya migodi na Taifa kwa ujumla;
- iii. Kuwajulisha wamiliki wote wa leseni zote za kuhodhi maeneo (*Retention Licences* – Jedwali Na. 1) kuwa leseni zao zimefutwa kwa mujibu wa Sheria ya Madini ya Mwaka 2010 ikisomwa pamoja na marekebisho yake ya mwaka 2017 na Kanuni ya 21 ya Kanuni za Madini (Haki Madini), 2018 Tangazo la Serikali Na.1/2018 na kwamba maeneo ya leseni hizo yamerudishwa Serikalini bila hakikisho la kupewa tena;

Jedwali Na. 1: Orodha ya leseni za kuhodhi maeneo zilizofutwa

Namba ya Leseni	Jina la Mmiliki	Aina ya Madini	Tarehe ya kutolewa	Tarehe ya kuisha muda	Ukubwa (Km ²)	Mkoa/Wilaya	Hali halisi
RL 0001/2009	Kabanga Nickel Company Limited	Nickel	02/05/2009	01/05/2019	201.85	Kagera/ Ngara	Imefutwa
RL 0006/2009	National Mineral Development Corporation Limited	Gold	31/12/2009	30/12/2019	21.27	Shinyanga/ Kahama	Imefutwa
RL 0009/2014	Bafex Tanzania Limited	Silver, gold & Copper	01/09/2014	31/08/2019	12.58	Mbeya/ Chunya	Imefutwa
RL 0010/2014	Bafex Tanzania Limited	Silver, gold & Copper	01/09/2014	31/08/2019	12.59	Mbeya/ Chunya	Imefutwa
RL 0011/2014	Bafex Tanzania Limited	Silver, gold & Copper	01/09/2014	31/08/2019	11.83	Mbeya/ Chunya	Imefutwa
RL 0012/2014	Bafex Tanzania Limited	Silver, gold & Copper	24/09/2014	23/09/2019	11.27	Mbeya/ Chunya	Imefutwa
RL 0014/2014	Mabangu Mining Limited	Gold	31/10/2014	30/10/2019	2.94	Geita/Mbogwe	Imefutwa
RL 0015/2014	Resolute (Tanzania) Limited	Gold	31/10/2014	30/10/2019	0.91	Geita/Mbogwe	Imefutwa
RL 0016/2015	Wigu Hill Mining Company Limited	Rare Earth Elements	13/02/2015	12/02/2020	15.14	Morogoro	Imefutwa
RL 0017/2015	Nachingwea Nickel Limited	Nickel	21/04/2015	20/04/2020	48.8	Lindi /Nachingwea	Imefutwa
RL 0013/2014	Precious Metals Refinery Company Limited	Nickel	10/10/2014	09/10/2019	25.7	Simiyu/ Bariadi & Busega	Imefutwa

iv. Hadi kufikia tarehe 04/07/2017, kulikuwa na jumla ya maombi mapya ya leseni za uchimbaji wa kati (MLs) zipatazo 15 na ya kuhuisha 21. Pia maombi ya leseni za uchimbaji mdogo wa madini (PMLs) yalikuwa 4,345 katika Ofisi za Madini za Mkoa na Wilaya kote nchini. Kadhalika, hadi kufikia tarehe 04/07/2017, kulikuwa na jumla ya maombi 240 ya leseni za utafutaji wa madini (PLs). Kati ya maombi hayo, 86 yalishalipiwa ada ya kuandalia leseni (*preparation fee*) na yaliyobaki hayajalipiwa. Kwa taarifa hii, waombaji wote wa leseni za madini wanatakiwa kukamilisha maombi yao ili yaendane na matakwa ya Sheria ya Madini ya Mwaka 2010 kama ilivyorekebisha Mwaka 2017. Hii ni pamoja na:

- Kulipia ada za kuandalia leseni za madini (PLs, PMLs, MLs na SMLs) kwa maombi yaliyokidhi vigezo vya kupewa leseni;

- Kuwasilisha *Local Content Plan* kwa mujibu wa Vifungu vya 102, 103 na 104 vya Sheria ya Madini ya Mwaka 2010 kama ilivyorekebisha na Sheria ya Marekebisho Anuwai ya Sheria zilizoandikwa, Sheria Na. 7 ya Mwaka 2017; kwa waombaji wa leseni za uchimbaji wa kati (MLs) na mkubwa (SMLs) wa madini;
- Kuwasilisha *Corporate Social Responsibility Plan*; na tamko la *Integrity Pledge* kadri ya kifungu cha 105 na 106 kwa mtiririko huo wa Sheria ya Madini ya Mwaka 2010 kama ilivyorekebisha Mwaka 2017 kwa waombaji wa leseni za uchimbaji wa kati (MLs) na mkubwa (SMLs) wa madini;
- Waombaji wote wa leseni za utafutaji wa madini (PLs) kuwasilisha taarifa za *technical resources (Mine equipment, technical personnel,...)* na *Audited Financial Statements*;
- Waombaji wote wa leseni za uchimbaji wa kati (MLs) na mkubwa (SMLs) kuwasilisha Cheti cha Tathmini ya Athari za Mazingira (*Environmental Impact Assessment-EIA Certificate*), taarifa za *Feasibility Studies, technical resources (Mine equipment, technical personnel,...)*, *Audited Financial Statements*, uthibitisho wa tathmini ya fidia na kutokuwepo kwa mgogoro/migogoro katika eneo linaloombewa leseni za uchimbaji wa madini; na
- Waombaji wote wa leseni za uchimbaji mdogo wa madini (PMLs), baada ya kupata leseni na kabla ya kuanza shughuli za uchimbaji, wawasilishe Mpango wa Uhifadhi wa Mazingira (*Environmental Protection Plan – EPP*);

Nyaraka zote zinazotakiwa, ziidhinishwe na mamlaka zinazohusika na kuwasilishwa kwa Mtendaji Mkuu wa Tume ya Madini kupitia Sanduku la Posta 2292, **DODOMA**.

Imetolewa na:

Prof. Idris Kikula
MWENYEKITI
 Mei 11, 2018